



De Ostfriesland Tourismus GmbH söcht to de 1. August 2019

### **Een Lehrwicht of –jung (m/w/d/ostfr) för de Beruf „Kauffrau/-mann für Marketingkommunikation“**

De Ostfriesland Tourismus GmbH hett hör Kontor in Leer un kümmert sük siet 2005 um de Werbung för Tourismus up de oostfreeske Halv-Eiland – daarto hören 50 Gemenen up de Eilannen, an de Waterkant of in de Binnenland. In uns Reklaamkontor („Marketingabteilung“) helpst Du uns bi all’ Sorten van Reklaam (buten of binnen van de Internet) un holtst de Drahd to de Kollegen van de Tourist-Informationen un anner touristische Steden in uns heel Kuntrei. Du kriegst en heel Bült mit van de moderne Reklaamwelt (E-Commerce, Marketing un wo man Saken an Lüü verköfft). Daarbi laten wi uns alltied weer wat Neeis infallen un denken uns mooi Saken ut. De Lehtied düürt 3 Jahr. Dat Kontor is in Leer – wenn Du off un to mal ut Fenster kiekst, süchst du de mooi Haven van Leer. De Berufsschool is in Oldenbörg-Wechloy; de Fahrten daarhen betalen wi di.

Butendem sullst Du Di ok in anner Bedrieven (Werbeagenturen, Tourist-Informationen) umkieken. Un ok buten Oostfreesland sullst Du Di twee Weken lang de Arbeit ankieken. Up disse Maneer lernst Du alls ut de Reklaamwelt. Bi uns kriegst Du en heel ördentlike Utbilden mit en Koppel Lüü, de mit Spaaß bi hör Arbeit sünd un Di helpen. Bi uns tellt elk un een gliiek, kien een kickt up de anner daal.

#### Wat wi van Di verwachten:

- Leevde to Oostfreesland
- tominnstens Realschool (ofsloten) of Abitur
- dat Du Di ok mal wat Neeis utdenken kannst un good mit annern proten un arbeiden kannst
- Allennig arbeiden können sünner dat en de heele Tied seggt word, wat to doon is; Saken good up Rieg kriegen können; ook mal een bietje mehr doon as nettakkraat nötig is
- Dat Du de düütske Spraak good kennst – un heel gern ook Plattdüütsk
- Dat Du gau wat begrippst un ok seker mit digitale Medien umgahn kannst
- Buten de Saken, de direkt för de Arbeit wichtig sünd: wi will’n gern sehn, wat Du anners noch kannst

Wenn Du neeisgierig worden büst un gern bi uns Koppel mitarbeiden wullt, dann stüür Dien Papieren bit 22. Määrt 2019 över E-Mail an Oliver Knagge (knagge@ostfriesland.de).